

„დიდად პატივცემულო მიხეილ ალექსანდრეს ძევ!
თქვენმა წერილმა დაადსტურა ქართველოლოგებისათვის ის სა-
სიხარულო: ამბავი, რომლის თაობაზე „ზარია ეოსტოკიმ“ პატარა შე-
ნიშვნა გამოაქვეყნა. ეს დიდი საჩუქარია ჩვენთვის. მოუთმენლად
ველი ამ ძეგლის გამოქვეყნებას. თქვენ ისე გაგვანებივრეთ, რომ შე-
ვბედავ და ვთხოვთ გამიგოთ, ხომ არ არის აღწერებში XVI საუკუ-
ნის დამლევის, ან XVII საუკუნის დამდეგის ელჩობა ქართლის სამე-
ფოში. თუ ასეთი რამ მოიპოვება, ძალაან დაგვავალებთ, თუ ამ
ძეგლსაც გამოსცემთ, საქმე ის არის, რომ ჩვენ გვაკლია რუსთა
ელჩების მიერ შედგენილი სწორედ საქართველოს ცენტრის, ქართ-
ლის სამეფოს აღწერილობა და ასეთი რამის აღმოჩენა შეავსებდა

ამ არსებით ხარვეზს, — და საშუალება მოგვეცემოდა შეგვედარე-
ბინა რუსთა ელჩების ცნობები ქართული, სპარსული და დასავლეთ
ევროპული წყაროების მონაცემებთან. თქვენ ფასდაუღებელ სამსა-
ხურს უწევთ რუსეთისა და საქართველოს ისტორიას, იძლევით იმ-
დენ ახალ, ჯერ კიდევ გამოუქვეყნებელ მასალებს, რომ თქვენი სა-
ხელი, როგორც იტყვიან, ოქროს ასოებით ჩაიბეჭდება ჩვენს ისტო-
რიოგრაფიაში და თქვენი შრომები ქართველოლოგებისათვის — კავ-
კასიისა და აღმოსავლეთის რუსეთის ურთიერთობის მკვლევართა-
თვის ნიადაგსაბმარი წიენი იქნება.

მადლობას მოგახსენებთ წერილისათვის და ვიმედოვნებ, რომ
კიდევ გავვახარებთ ცნობებით თქვენს მუშობასა და თქვენს წარმა-
ტებებზე... გულწრფელად თქვენი პატივისმცემელი“.

ივანე ჯავახიშვილი